

A PALABRA na celebración Dom. 33 C.

MALAQÚIAS 3, 19-20a: A vós iluminaravos un sol de xustiza.

Velaquí que chega o día, ardente como un forno, no que todos os orgullosos e malfeitores serán como palla; consumiravos o día que está chegando, di o Señor do universo, e non lles deixará nin copa ni raíz. Pero a vós, os que temedes o meu nome, iluminaravos sol de xustiza e atoparedes saúde á súa sombra. *Palabra do Señor.*

SALMO 97: R/. O Señor chega para rexer os pobos con rectitude.

2º TESALONICENSES 3, 7-12: Se alguén non quere traballar, que non coma.

LUCAS 21, 5-19: Coa vosa perseveranza salvaredes as vosas almas.

- O Señor estea convosco ... - Lectura do Santo Evanxeo segundo san Lucas ...

Narrador: Naquel tempo, como algúns falaban do templo, do belamente adornado que estaba con pedra de calidade e exvotos, Xesús díxolles:

Xesús: -«*Isto que contemplades, chegarán días en que non quedará pedra sobre pedra que non sexa destruída*».

Narrador: Eles preguntáronlle:

«*Mestre, cando vai ser iso?, e cal será o sinal de que todo iso está para suceder?*».

Narrador: El díxolles:

Xesús: -«*Mirade que ninguén vos engane. Porque moitos virán nó meu nome dicindo: “Son eu”, ou ben: “Está chegando o tempo”; non vaiades tras eles. Cando oiades noticias de guerras e de revolucións, non teñades pánico. Porque é necesario que iso ocorra primeiro, pero o fin non será enseguida*».

Narrador: Entón dicíalles:

Xesús: -«*Alzarase pobo contra pobo e reino contra reino, haberá grandes terremotos, e en diversos países, fames e pestes. Haberá tamén fenómenos espantosos e grandes signos no ceo. Pero antes de todo iso botaranvos man, **perseguiranvos**, entregándovos ás sinagogas e aos cárceres, e facéndovos comparecer ante reis e gobernadores, por causa do meu nome. Isto serviravos de **ocasión para dar testemuño**.*

*Por iso, metédevos ben na cabeza que non tedes que preparar a vosa defensa, porque eu **dareivos palabras** e sabedoría ás que non poderá facer fronte nin contradicir ningún adversario voso. E ata os vosos pais, e parentes, e irmáns, e amigos vos entregarán, e matarán a algúns de vós, e todos vos odiarán a causa do meu nome. Pero nin un cabelo da vosa cabeza perecerá; **coa vosa perseveranza salvaredes as vosas almas**».*

Palabra del Señor. (Narrador - Xesús).

Ideas para unha posible homilía de eucaristía con familias

Nada de medos, Deus poñerá palabras na miña boca.

1. VER: Hai momentos de dúbida.

- Ás veces o futuro, un revés, o que nos pode pasar ou que alguén nos faga dano, prodúcenos medo. E non sabemos que camiño elixir ou que opción tomar. Necesitamos a persoas que nos aconsellen, orientennos, lévennos da man.

- *Has ter momentos de dúbida ou medo? Quen te axudou a saír adiante?*

2. XULGAR: Nada de medos, Deus vai contigo.

No evanxeo deste domingo, finalizando o tempo ordinario, Xesús fala de guerras, de destrucións, enfrontamentos, persecucións. E dinos que nada de medos, "***eu dareivos palabras e sabedoría***". Será ocasión "***para que deades testemuño de min***", "***sede perseverantes***".

+ QUE NOS QUERE DICIR XESÚS?:

- **Que ás veces ser cristián non está de moda**, a algúns non lles caeremos ben, criticarannos ou tenderannos trampas... Pero non por iso imos cambiar.

- **Que paga a pena apostar por Xesús**, polo seu evanxeo, seguilo, aínda que nos custe e outros se boten atrás.

- Que hoxe é unha época xenial **para ser valente, para dar un testemuño mellor, perseverar** (sendo constante, sen desanimarse).

- **Que Xesús poñerá palabras na nosa boca**, daranos o aire do seu Espírito, será a nosa inspiración para ser construtores de paz, gritar xustiza e defender os pobres.

- **Que nunca esquezamos que Xesús é o amigo que non nos vai a fallar nunca**: el cólleenos da man e ata nos leva nos ombreiros cando fraquean as nosas forzas, coa súa axuda superaremos os problemas.

Que nos está pedindo Xesús?

3. ACTUAR: Déixate levar por Deus

-**Presta atención cada día uns minutos á lectura do evanxeo** e ve que che di Xesús nela e que camiño has de seguir.

-**Afronta os problemas**, as enfermidades e o futuro do mundo e da humanidade confiando na man de Deus que nos conduce. Con el todo acabará ben, estamos en boas mans.

En que ides mellorar, a que te comprometes?

¡Pon, Señor, as túas palabras na nosa boca!

No medio das persecucións, dos conflitos, das tarefas, dos sinsabores, pero tamén das alegrías, das ganas, a entrega e o entusiasmo: pon, Señor, as túas palabras na nosa boca.

Ponas coa mesma enerxía e autenticidade con que o fai o papa Francisco, ou a misioneira que o deixou todo por servir, ou dos nenos que se alegran co teu Evanxeo.

Non hai adversario nin inimigo que poida co testemuño sincero dos que teñen fe. No fai falla preparar defensas porque a defensa é a propia vida que se deixa levar pola Boa Noticia.

Grazas, Señor, porque non necesitamos discursos, porque o sal fala por si mesmo sen necesidade de aparentar!

Pon palabras na nosa boca, o aire do teu Espírito na nosa vida, para ser construtores de paz, para gritar xustiza e para recordar ao mundo que os pobres son os nosos irmáns.